



Donibane enparantza, 1  
Tel.: 946279006  
Faxa: 946279117  
48380 AULESTI (Bizkaia)  
e-mail: idazkaritza.aulesti@bizkaia.org

## **AULESTIKO UDALA**



# **TRAKZIO MEKANIKOKO IBILGAILUEN GAINEKO ZERGA ARAUPETZEN DUEN UDAL ORDENANTZA FISKALA**

## **I.- XEDAPEN OROKORRAK.**

### **1. artikulua.**

Udal honek, Bizkaiko Lurralde Historikoko Toki Ogasunak araupetu dituen Foru Arauan eta Trakzio Mekanikoko Ibilgailuen gaineko Zergari buruzko Foru Arauan ezarritakoarekin bat etorritz, zerga eskatzen du honako ordenantza honetan xedatutakoaren arabera.

### **2. artikulua.**

Ordenantza hau udal-mugarte osoan aplikatuko da.

## **II. ZERGA EGITATEA.**

### **3. artikulua.**

Hauexek dira Zergaren zerga-egitateak:

1. Bide publikoetatik zirkulatzeko gai diren trakzio mekanikoko ibilgailuen titulartasuna, direnak direla ibilgailuen mota eta kategoria.

2. Zirkulaziorako gai den ibilgailutzat joko da erregistro publiko egokietan matrikulatu dena, baja ematen ez zaion bitartean. Zerga honen ondorioetarako, aldi baterako baimena duten ibilgailuak eta turismo-matrikula daukatenak ere zirkuletako gai diren ibilgailutzat joko dira.

3. Jarraikoak ez daude Zergaren kargapean:

a) Antzintasuna dela-eta erregistroan baja emanda egonik, aparteko kasuetan erakustaldietan, lehiaketetan eta lasterketetan ibiltzeko baimena jaso lezaketanak, horretara mugaturik daudela.

b) Trakzio mekanikodun atoiak eta erdiatoiak, zama erabilgarria 750 kg baino gutxiagokoa dutenak.

## **III. SALBUESPENAK ETA HOBARIAK.**

### **4. artikulua.**

1. Zergatik salbuetsita egongo dira:



Donibane enparantza, 1  
Tel.: 946279006  
Faxe: 946279117  
48380 AULESTI (Bizkaia)  
e-mail: idazkaritza.aulesti@bizkaia.org

## AULESTIKO UDALA

---

- a) Estatuko, Euskal Autonomia Erkidegoko, Bizkaiko Lurralde Historikoko eta toki erakundeetako herritarren defentsarako edo segurtasunerako ibilgailu ofizialak.
- b) Atzerriko herrialdeetako ordezkari diplomatikoen, kontsul-bulegoetako kideen, eta kreditatuta dauden agente diplomatikoen eta kontsul-funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa. Halaber, Espainiar estatuan egoitza edo bulegoa duten nazioarteko erakundeen ibilgailuak eta diplomazi estatutua duten haien funtzionarioak edo kideenak.
- c) Nazioarteko itunen edo hitzarmenen bidez salbuetsita dauden ibilgailuak.
- d) Anbulantziak eta osasun-laguntzako ibilgailuak, eta zaurituak edo gaixoak garraiatzeko erabiltzen direnak.
- e) Abenduaren 23ko 2.822/1998 Errege Dekretuak onartutako Ibilgailuen Araudi Orokorraren II. eranskineko A atalak hizpide dituen mugikortasun murriztuko pertsonentzako ibilgailuak eta minusbaliotasuna duten pertsonen izenean beraiek bakarrik erabiltzeko matrikulatutako ibilgailuak.

Era berean, 14 zaldi fiskaletik beherako ibilgailuak ere salbuetsita daude, baldin eta minusbaliotasuna duten pertsonen izenean eta eurek bakarrik erabiltzeko matrikulatuta badaude. Salbuespen hori zirkunstantzia horiek mantentzen diren bitartean aplikatuko da, bai minusbaliotasuna duten pertsonen gidatutako ibilgailuen kasuan, bai beraien garraiorako ibilgailuen kasuan.

Atal honetan xedatutakoaren ondorioetarako, honakoak hartuko dira minusbaliotasuna duten pertsonatzat:

- a) 100eko 33ko edo hortik gorako eta 100eko 65etik beherako minusbaliotasun-maila aitortuta duten pertsonak, mugikortasun murriztuko egoeran badaude; hain zuzen ere, minusbaliotasun-maila onartu, aitortu edo kalifikatzeko prozedurari buruzko abenduaren 23ko 1971/1999 Errege Dekretuaren III. eranskinean jasotako baremoko A, B edo C ataletan deskribatutako egoeretakoren batean daudenak edo aipatutako baremoko D, E, F, G edo H ataletan 7 puntu edo gehiago lortzen dituztenak.

- b) 100eko 65eko edo hortik gorako minusbaliotasun-maila duten pertsonak.

Idatz-zati honetan ezarritako salbuespenak ezin dira aplikatu batera, hots, onuradun bati ez zaio bat baizik aplikatuko, ibilgailu bat baino gehiago eduki arren.



Donibane enparantza, 1  
Tel.: 946279006  
Faxa: 946279117  
**48380 AULESTI (Bizkaia)**  
e-mail: idazkaritza.aulesti@bizkaia.org

## **AULESTIKO UDALA**

Hemen ezarrita dauden salbuespenak arautuak dira, eta erreguzko izaera dute.

Salbuespenok eskumena duen udal organoak emandako administrazio-egintza adieraziaren bidez emango zaizkie eskatutako betekizunak betetzen dituzten subjektu pasiboak, haiek eskabidea egin ondoren.

Eskabide horretan, ibilgailuaren ezaugarriak, matrikula eta onuraren arrazoia jaso beharko dituzte, eta, horrekin batera, honako agiri hauek ere aurkeztu beharko dituzte:

- Zirkulazioko baimenaren fotokopia.

- Elbarritasuna egiaztatzen duen agiria, eta, hala badagokio, mugikortasun murriztuko egoerarena, Bizkaiko Foru Aldundiak edo beste organo eskudunak emandakoa; ez da nahikoa izango ezintasunak baloratzeko taldeek egindako irizpen tekniko-fakultatiboa aurkeztea.

- Zinpeko aitortpena, ibilgailua minusbaliatutak ez beste inork erabiliko duela adieraztekoa. Udal Administrazioak salbuespena onartu eta gero, berau egiaztatzeko agiria emango zaio interesatuari.

f) Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.

g) Nekazaritzako Ikuskapenaren Txartela duten traktoreak, atoiak, erdiatoiak eta makinak.

Salbuespen hau aplikatu ahal izateko, interesatuek eskatu egin behar dute, eta, horretarako, ibilgailuaren ezaugarriak, matrikula eta onuraren arrazoia azaldu behar dituzte.

Udal Administrazioak salbuespena onartu eta gero, berau egiaztatzeko agiria emango zaio interesatuari.

h) Ehuneko ehunaren hobaria egongo da ibilgailu historikoentzat, ehuneko 75 ibilgailu elektrikoentzat eta ehuneko 50 ibilgailu hibridoentzat.

Oro har, salbuespena edo hobaria emanez gero, eskatu den urtearen ondoko ekitaldian sortzen ditu ondorioak; ez du atzeraeraginik. Hala ere, likidazioa irmoa izan aurretik eskatzen bada, ezinbestekoa da zerga-zorra sortu den egunean aplikatzeko betekizunak betetzea.

## **IV. SUBJEKTU PASIBOAK**



Donibane enparantza, 1  
Tel.: 946279006  
Faxa: 946279117  
**48380 AULESTI** (Bizkaia)  
e-mail: idazkaritza.aulesti@bizkaia.org

## **AULESTIKO UDALA**

---

### **5. artikulua.**

Zerga honen subjektu pasiboak dira Zergei buruzko Foru Arau Orokorreko 34.3 artikuluan ageri diren pertsona fisiko edo juridikoak eta erakundeak, zirkulazioko baimenean ibilgailua beraien izenean agertuz gero.

### **V. KUOTA**

#### **6. artikulua.**

1. Zerga tarifa I. eranskinean agertzen dan taularen arabera eskatuko da.

2. Ibilgailu-mota zehazteko, arau bidez ezartzen denari jaramon egingo zaio, eta gainera kontuan hartuko dira ondoko arauak ere:

a) Furgonetatzat ondokoak joko dira: pertsonak eta gauzak batera garraiatu ahal izateko moldatutako turismo ibilgailuak, zenbait eserleku eta kristal kendu zaizkienak, ateen neurriak edota kokaera aldatu, eta bestelako aldaketak egin zaizkienak, baina jatorrizko ibilgailuaren modeloaren ezaugarriak funtsean aldatu gabe. Furgonetengatik, turismoak balira bezala ordainduko da zerga, euren zerga-potentiaren arabera, ondoko kasuetan izan ezik:

Lehenengoa. Ibilgailua bederatzi pertsona baino gehiago, gidaria barne, garraiatzeko gaiturik badago, zergak autobusa balitz bezala kargatuko du.

Bigarrena. Ibilgailuak 525 kg-tik gorako zama erabilgarria garraiatzeko baimena badu, zergak kamioia balitz bezala kargatuko du.

b) Zerga honen ondoreetarako, motogurdiak motozikletatzat joko dira eta, beraz, euren zilindradaren edukieraren arabera ordainduko da zerga.

c) Ibilgailu artikulatuei dagokienez, zergak aldi berean eta bereiz kargatuko ditu arraste-indarra duen ibilgailua eta hark herrestan daramatzan atoiak eta erdiatoiak.

d) Edukiera dela-eta matrikulatu beharrik ez duten ziklomotorrak, atoiak eta erdiatoiak zirkulatzeko gai diren ibilgailutzat joko dira Industria Ordezkaritzak horren ziurtagiria ematen duenetik, edo ibilgailua zirkulatzen hasten denetik, kasuan kasukoa.

e) Makina autopropultsatuengatik, alegia, trakzio mekanikoko beste ibilgailu batek gainean edo herrestan eraman gabe herri-bidetik berez ibil daitezkeen makinengatik, traktoreei dagozkien tarifak kobratuko dira.



Donibane enparantza, 1  
Tel.: 946279006  
Faxe: 946279117  
**48380 AULESTI** (Bizkaia)  
e-mail: idazkaritza.aulesti@bizkaia.org

## **AULESTIKO UDALA**

---

f) Nolanahi ere, tarifatako D) letran agertzen den “traktore” izen orokorrak barne hartzen ditu hala kamioi traktoreak nola “obra eta zerbitzuetako traktoreak”.

g) Autokarabanekek turismo moduan tributatuko dute, zerga honi dagokionez.

h) Zaldipotentzia fiskala zaldi fiskaletan adierazten da, eta Ibilgailu Araudi Orokorrean, abenduaren 23ko 2.822/1998 Errege Dekretuaren 11.20 artikulua segituz, V. eranskinean agindutakoa kontutan hartuta.

### **VI. ZERGALDIA ETA SORTZAPENA.**

#### **7. artikulua.**

1. Zergaldia egutegiko urtea izango da, ibilgailua lehenengoz eskuratzen denean edo baja ematen zaionean izan ezik. Izan ere, horrelakoetan, zergaldia eskuraketaren egunean hasiko da, edo ibilgailuari Trafiko Burutzan baja ematen zaion egunean amaituko da, hurrenez hurren.

2. Zerga zergaldiko lehen egunean sortuko da.

3. Ibilgailuen lehen eskuraketa denean, edo haien bajaren kasuan ere, kuotaren zenbatekoa hil naturalen arabera hainbanatuko da, alta edo baja gertatzen den datari dagokiona barne. Halaber, kuota hainbanatuko da ibilgailua aldi baterako baja emanda badago, lapurtu edo ebatsi dutelako; hori guztia aldi baterako baja dagokion erregistroan jasotzen den unetik hasita.

### **VII. KUDEAKETA.**

#### **8. artikulua.**

Ibilgailuaren zirkulazio-baimenean ageri den egoitza zein udalerritan dagoen, hango udalaren eginkizunak izango dira ibilgailu horren zerga kudeatzea, likidatzea, ikuskatzea eta biltzea, eta bai zerga-kudeaketan agindutako egintzak berrikustea ere.

#### **9. artikulua.**

Udalak autolikidazio-araubidean eskatu ahal izango du zerga hau.

#### **10. artikulua.**

Zerga ordaindu delako frogagiria Udal Administrazioak emandako ordainagiria izango da.

#### **11. artikulua.**



Donibane enparantza, 1  
Tel.: 946279006  
Faxe: 946279117  
**48380 AULESTI** (Bizkaia)  
e-mail: idazkaritza.aulesti@bizkaia.org

## **AULESTIKO UDALA**

---

**1.** Trafiko Burutzari ibilgailua matrikulatzeko, zirkulaziorako gaitasunaren ziurtagiria emateko edo ibilgailuari behin betiko baja emateko eskatzen dioteneak, aldeztu aurretik zerga ordainduta dutela frogatu behar dute. Hamabost urte edo gehiago dituen ibilgailu bati behin betiko baja eman nahi bazaio, ez dago ezer frogatu beharrik.

**2.** Gauza bera egin beharko dute ibilgailuen titularrek Trafiko Burutzari ibilgailuaren eraldaketaren berri ematen diotenean, baldin eta eraldaketak zerga honen ondoretarako ibilgailuak duen kalifikazioa aldatu bada, bai eta ibilgailuaren zirkulazio-baimena eskualdatzen bada edo bertan ageri den egoitza aldatzen bada ere.

**3.** Trafiko-burutzek ez dute ibilgailuen bajei edo eskualdaketei buruzko espedienterik tramitatuko aldeztu aurretik zerga hau ordainduta dagoela frogatzen ez bazaie. Matrikulazio berrietan, edo ibilgailuari egindako aldaketek zerga-ondoretarako kalifikazioa aldatzen dutenean, interesatuek jarraian adieraziko diren agiriak aurkeztu behar dizkiote Udal Administrazioari, Zergaren matrikulari eransteko, 30 eguneko epean, matrikulazioa edo aldaketa egiten den egunetik hasita:

- a) Zirkulazioko baimena.
- b) Ezaugarri teknikoen ziurtagiria.
- c) NAN edo IFK

### **VIII. XEDAPEN IRAGANKORRA.**

Trakzio Mekanikoko Ibilgailuen gaineko Zerga indarrean jartzen den egunean Ibilgailuen Zirkulazioaren gaineko Zergan mota bateko nahiz besteko zerga hobariren bat dutenek hobariaz onuratsen segituko dute aipatutako zerga horri dagokionean, hobaria iraungitzen den egunera arte.

### **IX. AZKEN XEDAPENA.**

Ordenantza hau udalbatzak onartu zuen 2019ko urriaren 30ean egindako Osoko Bilkuran. Testua Bizkaiko Aldizkari Ofizialean argitaratu ondoren sartu zen indarrean, eta horrela jarraituko du harik eta bera aldatu edo indargabetzea erabakitzen den arte.